

大方等陀羅尼經

佛告阿難：若有父母妻子不放此人至於道場者，此人應向父母等前，燒種種香，長跪合掌。應作是言：我今欲至道場，哀愍聽許，亦應種種諫曉，隨宜說法。亦應三請。若不聽者，此人應於舍宅，默自思唯，誦持經典。

佛說菩薩行五十緣經

菩薩世世喜然燈於佛寺及師父母前。菩薩世世隨時熟果及好香華，持上佛比丘僧師父母。菩薩世世事師父母，若見臥睡，不數驚覺。若欲使覺，當持音樂，若持好語，誦經往覺之。菩薩世世有奇異美飯食，終不獨食。若師父母有飯食，不減損而食之。菩薩世世持善意視佛，見怨家，見父母，心正等無有異。